


FOTO

U akciji FUP-a uhapšene dvije osobe, u pretresima pronađen snajper i 80.000 KM u gotovini



N. Š. | 03.07.2026. (15:11)



Prilikom pretresa na području općine Kakanj pronađeno je i privremeno oduzeto vatreno oružje i municija, uključujući jednu pušku za koju nije posjedovano odgovarajuće odobrenje nadležnog organa

 Dodajte Oslobodjenje.ba u omiljene izvore na Google-u >

Policijski službenici Federalne uprave policije su jučer, 2. jula, postupajući po naredbi Općinskog suda u Zenici, a pod nadzorom Kantonalnog tužilaštva Zeničko-dobojskog kantona, izvršili pretrese na više lokacija na području Kaknja i Zenice u okviru istrage koja se odnosi na sumnju u izvršenje više krivičnih djela.

Tokom pretresa poslovnih prostorija na području Zenice pronađena je i privremeno oduzeta veća količina dokumentacije koja se odnosi na obrazovnu ustanovu Centar za obrazovanje Veritas iz Širokog Brijega, uključujući prijave, uvjerenja, svjedodžbe, diplome, uplatnice i drugu dokumentaciju, kao i gotov novac u iznosu cca 33.400,00 KM i 25.800,00 eura, odnosno preračunatom iznosu većem od 80.000,00 KM, za koji nije predočena dokumentacija o porijeklu niti drugi zakonit osnov raspolaganja.

Prilikom pretresa na području općine Kakanj pronađeno je i privremeno oduzeto vatreno oružje i municija, uključujući jednu pušku za koju nije posjedovano odgovarajuće odobrenje nadležnog organa, zbog čega je jedno lice lišeno slobode i protiv osumnjičenog dokumentovano i krivično djelo iz oblasti nedozvoljenog držanja oružja i municije.

Federalna uprava policije je Kantonalnom tužilaštvu Zeničko-dobojskog kantona podnijela Izvještaj o počinjenom krivičnom djelu protiv dvije osobe zbog postojanja osnova sumnje da su počinile krivična djela Prevara iz člana 294. Krivičnog zakona Federacije Bosne i Hercegovine, Krivotvorenje isprave iz člana 373. Krivičnog zakona Federacije Bosne i Hercegovine, kao i Nedozvoljeno držanje oružja ili eksplozivnih materija iz člana 371. stav 1. Krivičnog zakona Federacije Bosne i Hercegovine i krivično djelo iz člana 52. stav a) i b) Zakona o nabavljanju, držanju i nošenju oružja i municije Zeničko-dobojskog kantona.

Federalna uprava policije nastavlja aktivnosti u saradnji sa Kantonalnim tužilaštvom Zeničko-dobojskog kantona na dokumentovanju svih okolnosti ovog predmeta.

Komentari (0)

Prijavite se da biste komentarisali

Nema komentara
Budite prvi koji će komentarisati ovaj članak.

Prijavi se na naš newsletter!

Ime i prezime

Unesite email adresu

PRIJAVI SE

NAJČITANIJE

NAJNOVIJE



EMOTIVNA PORU...
Poruka Dženisa Burnića nakon nastupa na Mundijalu...



PRIČA IZ AMERIKE
Dječak proglašen mrtvim, nekoliko sati kasnije u...



HERCEG NOVI
Na kuću poznatog srbijanskog biznismena...



KRUNA KARIJERE
Mujakić sumirao utiske sa Svjetskog prvenstva: Još...



ZANIMLJIVA PON...
Je li ovo najjeftinije ljetovalište na Jadranu? Kafa...



DRUGI DUEL OSM...
(UŽIVO) Osmina finala Svjetskog

